

說一切有部發智大毗婆沙論卷第九十八 顛八

鑠詩若反赫奔上許踰繕上羊朱反劇下時扇反

苦逆上奇詰問上起矜誇上居敵下其京反

俱胠下珍長瓜下之翦字

素

阿毗達磨大毗婆沙論卷第九十九 顛九

五百大阿羅漢等造三藏法師玄奘奉詔譯

智蘊第三中五種納息第二之三

如契經說佛告梵志若有沙門婆羅門等捨惡見趣而不取者當知此類少中復少問此類云何少中復少答世間有情性愚鈍者如

大地土性聰慧者如爪上土惟聰慧中邪見者多正見者少喻如前說是故名為少中復少問如見蘊說斷常見者展轉相違云何此中說有一類起如是見我一分忍一分不忍而不相違答此中說一補特伽羅若執色蘊為當彼執四蘊為斷若執四蘊為常彼執色

蘊為斷故此二見非互相違見蘊說二補特伽羅一執色常一執色斷乃至執識亦有二種故彼二見展轉相違彼經復說世尊說此見趣法時長爪梵志遠塵離垢於諸法中生淨法眼時舍利子受具足戒已經半月隨觀此法得阿羅漢問時舍利子隨觀何法尊者世友作如是說尊者舍利子即隨觀世尊為彼梵志說見趣法成阿羅漢復有說者尊者舍利子即隨觀梵志得預流果道所觀法成阿羅漢有作是說尊者舍利子即隨觀梵志得預流果能證學法成阿羅漢大德說曰彼舍利子隨觀緣起有十二支差別性法成阿羅漢是名舍利子所隨觀法諸起此見有阿羅漢天魔所燒漏失不淨乃至廣說問何故作此論答為欲分別佛涅槃後假名苾芻所起惡見今有智者知而制之故作斯論諸起此見有阿羅漢天魔所燒漏失不淨此於五見何見攝見何諦斷此見耶

答非因計因戒禁取攝見苦所斷此中非因計因者謂彼不淨從煩惱生而說天魔所矯故出故戒禁取以為自性見苦所斷顯彼對治苦智生時能斷如是不實推求不實分別顛倒惡見令未滅故名見苦斷廣說如前諸起此見有阿羅漢於自解脫猶有無知此於

五見何見攝見何諦斷此見耶答謗阿羅漢無漏智見邪見攝見道所斷此中謗阿羅漢無偏智見者謂阿羅漢於自解脫由無偏智見已離無知而說猶有無知則撥無彼無偏智見是故邪見以為自性見道所斷顯彼對治道智生時能斷如是不實推求乃至廣說

顯九

如前應知諸起此見有阿羅漢於自解脫猶有疑惑此於五見何見攝見何諦斷此見耶答謗阿羅漢越渡疑惑邪見攝見道所斷此中謗阿羅漢越渡疑惑者謂阿羅漢於自解脫由無漏道已斷疑惑而說猶有疑惑則撥無彼道是故邪見以為自性見道所斷顯彼

對治道智生時能斷如是不實推求乃至廣說如前應知諸起此見有阿羅漢但由他度此於三見何見攝見何諦斷此見耶答謗阿羅漢無障無背現量慧眼身證自在邪見攝見道所斷此中謗阿羅漢無障無背現量慧眼身證自在者謂阿羅漢實自證得無障無

背現量慧眼身證自在非但由他而得度脫然說但由他故得度則謗聖道是故邪見以為自性見道所斷顯彼對治道智生時能斷如是不實推求乃至廣說如前應知諸起此見道及道支若言所召此於五見何見攝見何諦斷此見耶答非因計因戒禁取攝見苦

所斷此中非因計因者謂諸聖道要修方得而說若言能召令起故戒禁取以為自性見苦所斷顯彼對治苦智生時能斷如是不實推求乃至廣說如前應知此於苦果計為道因故見苦時求斷此見已說五種惡見自性及彼對治等起云何謂

顯九

三

大天因緣是此等起昔末土羅國有一商主少婢妻室生一男兒顏容端正與字大天未久之間商主持寶遠適他國展轉貿易經久不還其子長大染穢於母後聞父還心既怖懼與母設計遂殺其父彼既造一無間業已事漸彰露便將其母展轉逃隱波吒梨城彼後遇逢本國所供養阿羅漢苾芻復恐事彰遂設方計殺彼苾芻既造第二無間業已心轉憂感後復見母與餘交通便憤恚言我爲此故造二重罪移流他國伶俜不安今復捨我更好他人如是倡穢誰堪容忍於是方便復殺其母彼造第三無間業已由彼不斷善根力故深生憂悔寢處不安自惟重罪何緣當滅彼後傳聞沙門釋子有滅罪法遂往鷄園僧伽藍所於其門外見一苾芻徐步經行誦伽他曰

若人造重罪 修善以滅除 彼能照世間  
如月出雲翳

時彼聞已歡喜勇躍知歸佛教定能滅罪因即往詣一苾芻所殷勤固請求度出家時彼苾芻既見固請不審檢問遂度出家還字大天教授教誡大天聰慧出家未久便能誦持三藏文義言詞清巧善能化導波吒梨城無不歸仰王聞召請數入內宮恭敬供養而請說法彼後既出在僧伽藍不正思惟纏失不淨然彼先稱是阿羅漢而令弟子洩所污衣弟子白言阿羅漢者諸漏已盡師今何容猶有斯事大天告曰天魔所嬖汝不應恠然所漏失略有二種一者煩惱二者不淨煩惱漏失阿羅漢無猶未能免不淨煩惱所以者何諸阿羅漢煩惱雖盡豈無便利弟唾等事然諸天魔常於佛法而生憎嫉見修善者便往壞之縱阿羅漢亦爲其嬖故我漏失是彼所爲汝今不應有所疑恠是名第一惡見等起又彼大天欲令弟子歡喜親附矯設方便次第記別四沙門果時彼弟子瞽首白言阿羅

顛九

四

漢等應有證智如何我等都不自知彼遂告  
 言諸阿羅漢亦有無知汝今不應於已不信  
 謂諸無知略有二種一者染污阿羅漢已無  
 二者不染污阿羅漢猶有由此汝輩不能自  
 知是名第二惡見等起時諸弟子復白彼言  
 曾聞聖者已度疑惑如何我等於諦實中猶  
 懷疑惑彼復告言諸阿羅漢亦有疑惑疑有  
 二種一者隨眠性疑阿羅漢已斷二者處非  
 處疑阿羅漢未斷獨覺於此而猶成就況汝  
 聲聞於諸諦實能無疑惑而自輕耶是名第  
 三惡見等起後彼弟子披讀諸經說阿羅漢  
 有聖慧眼於自解脫能自證知因白師言我  
 等若是阿羅漢者應自證知如何但由師之  
 令入都無現智能自證知彼即答言有阿羅  
 漢但由他入不能自知如舍利子智慧第一  
 大目軋連神通第一佛若未記彼不自知况  
 由他入而能自了故汝於此不應窮詰是名  
 第四惡見等起然彼大天雖造衆惡而不斷

滅諸善根故後於中夜自惟罪重當於何處  
 受諸劇苦憂惶所逼數唱苦哉近任弟子聞  
 之驚恠晨朝參問起居安不大天答言吾甚  
 安樂弟子尋白若尔昨夜何唱苦哉彼遂告  
 言我呼聖道汝不應惟謂諸聖道若不至誠  
 稱苦召命終不現起故我昨夜數唱苦哉是  
 名第五惡見等起大天於後集先所說五惡  
 見事而作頌言  
 餘所誘無知 猶豫他令入 道因聲故起  
 是名具佛教  
 於後漸次雞園寺中上座苾芻多皆滅殺十  
 五日夜布灑他時次當大天昇座說戒彼便  
 自誦所造伽他尔時衆中有學無學多聞持  
 戒修靜慮者聞彼所說無不驚訶咄哉愚人  
 寧作是說此於三藏曾所未聞咸即對之翻  
 彼頌曰  
 餘所誘無知 猶豫他令入 道因聲故起  
 汝言非佛教

於是竟夜聞諍紛然乃至終朝朋黨轉盛城中士庶乃至大臣相次來和皆不能息王聞自出詣僧伽藍於是兩朋各執已誦時王聞已亦自生疑尋白大天孰非誰是我等今者當寄何朋大天白王戒經中說若欲滅諍依多人語王遂令僧兩朋別任賢聖朋內耆年

雖多而僧數少大天朋內耆年雖少而衆數多王遂從多依大天衆訶伏餘衆事畢還宮介時雞園諍猶未息後隨異見遂分二部一上座部二大衆部時諸賢聖知衆乖違便捨雞園欲往他處諸臣聞已遂速白王王聞既瞋便勅臣曰宜皆引至苑伽河邊載以破船

中流墜溺即驗斯輩是聖是凡臣奉王言便將驗試時諸賢聖各起神通猶如鷹王陵虛而往復以神力攝取船中同捨雞園未得通者現諸神變作種種形相次乘空西北而去王聞見已深生媿悔悶絕躡地水灑乃穌速即遣人尋其所趣使還知在迦濕彌羅復固

請還僧皆辭命王遂摠捨迦濕彌羅國造僧伽藍安置賢聖衆隨先所變作種種形即以標題僧伽藍号謂鴿園等數有五百復遣使人多賣珍寶營辦什物而供養之由是介來此國多有諸賢聖衆任持佛法相傳制造于今猶盛波吒梨王既失彼衆相率供養任雞

顛六

六

園僧於後大天因遊城邑有占相者遇介見之竊記彼言今此釋子却後七日定當命終弟子聞之憂惶啓告彼便報曰吾已久知還至雞園遣諸弟子分散徧告波吒梨城王及諸臣長者居士却後七日吾當涅槃王等聞之無不傷歎至第七日彼遂命終王及諸臣城中士庶悲哀戀慕各辦香薪并諸酥油華香等物積置一處而焚葬之持火來燒隨至隨滅種種方計竟不能然有占相師謂衆人曰彼不消此殊勝葬具宜以狗糞而灑穢之便用其言火遂炎發須臾焚蕩俄成灰燼暴風卒至飄散無遺故彼是前惡見等起諸有

智者應知避之

智蘊第三中他心智納息第三之一

云何他心智云何宿住隨念智如是等章及解章義既領會已次應廣釋問何故尊者依前二智而作論耶答是彼尊者意欲示故謂本論師隨欲造論不違法相故不應責如此

尊者於根蘊中依法類二智而作論於定蘊中依盡無生二智而作論復於根蘊中依苦集滅道四智而作論於結蘊定蘊及此蘊後依八智而作論於修智等處依十智而作論如是尊者於此蘊初依他心宿住二智而作論如善巧陶師先熟調泥團置輪上隨自意

顛九

七

樂造器等物尊者亦示間思修慧觀察法相斷自性愚及所緣愚隨欲造論故不應責復次以前二智俱通加行及離染得俱是修所成俱是通自性俱是四支五支靜慮果故偏依之而作此論復次以前二智俱以智見為自性俱於所緣分齊而取謂他心智惟緣現

在宿住隨念智但緣過去故偏依之而作此論有作是說以此二智俱通有漏無漏二品故偏依之而作此論評曰彼不應作是說宿隨念智惟是有漏故

云何他心智答若智修所成是修果依止修已得不失能知他相續現在欲色界心心所法或無漏心心所法是謂他心智此中若智修所成者謂修所成慧為自性故是修果者謂是四支五支靜慮果故依止修者謂依數習而成就故已得不失者已證得不捨故問何故不說未得已失答應說而不說者當知此義有餘復次若由此智說各成就他心通

者此中說之未得已失諸他心智無如是義是故不說能知他相續現在欲色界心心所法或無漏心心所法者謂能如實知他有情身中現在世欲色界或無漏心心所法此說他心智所緣境相有別誦言若智現起如實知他有情有所尋求有所伺察有所攝受衆

緣所起意及意所有是謂他心智此中若智現起者說現行他心智如實知者簡別占相智等他有情者簡別知自心心所法有所尋求者謂欲界初靜慮心心所法有所伺察者謂靜慮中間心心所法有所攝受者謂後三靜慮心心所法復有說者有所尋求顯欲界初靜慮有所伺察顯從欲界乃至靜慮中間有所攝受顯從欲界乃至第四靜慮此中顯示能尋求等故色等法非此智境衆緣所起者如能知智由四緣生所知亦由四緣生故意及意所有者意即是心諸心所法名意所有如是皆說他心智境此他心智或應說一

顯九

八

謂他心智通及示導或應說二謂有漏無漏有縛解脫有繫不繫或應說三謂下中上品或應說四謂四靜慮果或應說六謂有漏無漏各有三品或應說八謂四靜慮果各有有漏無漏或應說九謂下下品乃至上上品或應說十二謂四靜慮果各有三品或應說十

八謂有漏無漏各有九品或應說二十四謂四靜慮果各有有漏無漏此復各有三品或應說三十六謂四靜慮果各有九品或應說七十二謂四靜慮果各有有漏無漏此復各有九品若以在身刹那分別應說無量無邊此中揔說一他心智問此他心智以何爲自

性答以慧爲自性是謂他心智自性我物自體相分本性已說自性所以今當說問何故名他心智他心智是何義耶答知他心故名他心智問此亦知他諸心所法何故但名他心智耶答諸瑜伽師意樂加行欲知他心非他心所是故但立他心智名以心爲先亦知

心所譬如有人意樂加行但欲見王若見王時亦見臣等復次諸法立名依多緣故謂或依自性或依對治或依加行或依相應或依所依或依所緣或依行相或依所緣及行相等依自性立名者謂五蘊四諦世俗智等依對治立名者謂法智類智對治欲界上二界

顯九

九

故依加行立名者謂空識無邊處無所有處  
五現見定他心智等依相應立名者如品類  
足說云何順樂受等法謂樂受等相應如是  
一切依所依立名者謂眼識等依所緣立名  
者謂四念住無相定等依行相立名者謂苦  
集智此二行相無雜所緣雜故依所緣及行  
相立名者謂滅道智此二所緣行相俱無雜  
故諸如是等立名因緣乃有無量今他心智  
但依加行立名非餘復次相應品中心最勝  
故依知勝法立此智名如說王來非無臣等  
復次以依心故名心所法心是大地故諸心  
所法名大地所有故但說心復次修他心通  
無間道位惟緣心故但說知心  
此他心智界者有漏他心智是色界無漏他  
心智是不繫問何故無色界無他心智耶答  
非田器故乃至廣說復次修他心智依色起  
故地者惟在四根本靜慮非近分無色彼地  
不能發五通故問靜慮中間心心所法何地

智能知耶有作是說初靜慮上品智能知復  
有說者第二靜慮下品智能知評曰應作是  
說初靜慮三品智皆能知所以者何一地攝  
故所依者惟依欲色界身起行相者無漏他  
心智作緣道諦四行相轉有漏他心智作不  
明了行相轉所緣者初靜慮他心智緣欲界  
初靜慮地心心所法第二靜慮他心智緣欲  
界初二靜慮地心心所法第三靜慮他心智  
緣欲界前三靜慮地心心所法第四靜慮他  
心智緣欲界四靜慮地心心所法無他心智  
能知無色心心所法彼地勝故如初靜慮等  
他心智不知第二靜慮等心心所法問生欲  
色界起無色地心心所法是他心智所緣境  
不答非所緣境如不知果因亦尔故念住者  
是三念住除身念住智者是四智謂法類道  
世俗智即摠說彼為他心智三摩地俱者無  
漏他心智道無願俱有漏他心智非三摩地  
俱根相應者摠說此與三根相應謂樂喜捨

顛九

十



三世者是三世緣三世者過去緣過去現在緣現在未來若生法緣未來若不生法緣三世善不善無記者惟是善緣善不善無記者緣三種繫不繫者有漏他心智惟色界繫無漏他心智惟不繫緣繫不繫者緣欲色界繫及不繫學無學非學非無學者通三種緣學無學非學非無學者緣三種見修所斷不斷者有漏他心智惟修所斷無漏他心智是不斷緣見修所斷及不斷者緣三種緣名緣義者惟緣義緣自他相續非相續者惟緣他相續加行離染得者通加行離染得離染得者謂初靜慮者離欲界染時得乃至第四靜慮者離第三靜慮染時得或離自地上地染時亦容修得加行得者謂修勝進加行時得及起加行令現在前謂諸聲聞以中上品加行獨覺惟以下品加行佛不以加行能現在前曾得未曾得者一切聖者及內法異生皆通曾得未曾得外法異生惟是曾得

問修他心智加行云何答施設論說初修業者於世俗定已得自在數起現前令轉明利先審觀察自身心相若時身有如是相現爾時便起如是相心若時自起如是相心爾時身有如是相現自審觀察身心相已次審觀察他身心相若時身有如是相現爾時便起

類九

十一

如是相心若時他起如是相心爾時身有如是相現審觀察他身心相已次純觀彼心心所法作是思惟我應觀彼心心所法何所尋求何所伺察何所攝受既思惟已純觀彼心相續前後行相差別觀彼心相若得純熟齊是名為修他心智加行成滿集異門論作如是說修他心智加行云何謂審觀察緣五取蘊為苦非常空非我智行相差別漸次能引無漏智生善知他心名他心智問無漏他心智能緣四諦智何故但說緣苦智耶答亦應說緣餘三諦智而不說者當知有餘復次此中但說初入加行但緣苦智不說緣餘後相

續時亦緣餘智問前施設論後集異門所說  
 加行有何差別答前說有漏他心智加行後  
 說無漏他心智加行復次前說他心智加行  
 非勝妙明淨後說他心智加行勝妙明淨然  
 他心智雖加行時亦緣色起而成滿時不復  
 緣色所以者何先觀塵法為入細故又他心  
 智雖加行時亦緣自相續而成滿時惟緣他  
 相續所以者何緣自不名他心智故又他心  
 智但緣他心不緣他心所緣行相若緣他心  
 所緣行相應緣自心非他心智自心是彼所  
 緣及能緣行相故問若眼不見色為能知他  
 心不答能知耳聞聲故問若不見色聞聲為  
 能知他心不答能知鼻嗅香故問若不見色  
 聞聲嗅香為能知他心不答能知舌嘗味故  
 問若不見色聞聲嗅香嘗味為能知他心不  
 答能知身覺觸故問若不見色聞聲嗅香嘗  
 味覺觸為能知他心不有作是說彼不能知  
 所以者何他心智起因緣色故評曰應作是

說初引發時則不能知已成滿者雖不緣色  
 而亦能知

曾得有漏心心所法有十五種是他心智所  
 應取境謂欲界及四靜慮各有下中上三品  
 心心所法曾得有漏他心智有十二種謂四  
 靜慮各有下中上三品他心智此中初靜慮

顛九

十二

曾得有漏他心智下品者能知欲界三品及  
 初靜慮下品曾得有漏心心所法中品者能  
 知欲界三品及初靜慮下中二品曾得有漏  
 心心所法上品者能知欲界及初靜慮各三  
 品曾得有漏心心所法如是展轉乃至第四  
 靜慮曾得有漏上品他心智能知欲界及四

靜慮各三品曾得有漏心心所法如曾得有  
 漏十二種他心智知十五種曾得有漏心心  
 所法未曾得有漏十二種他心智知十五種  
 未曾得有漏心心所法亦亦無漏心心所法  
 有十二種是他心智所應取境無漏他心智  
 亦有十二種謂四靜慮各有三品此中第二

靜慮無漏他心智下品者能知初靜慮及第二靜慮各惟下品無漏心心所法中品者能知初靜慮及第二靜慮各下中二品無漏心心所法上品者能知初靜慮及第二靜慮各三品無漏心心所法如是展轉乃至第四靜慮上品無漏他心智能知四靜慮各三品無

漏心心所法問何故上地下中品有漏他心智俱能知下地三品有漏心心所法上地下中品無漏他心智不知下地中上品無漏心心所法耶答有漏無漏心心所法建立各異謂有漏心心所法依相續建立有一身相續中成就二品有漏心心所法無漏心心所法

顛九

十三

依根品建立無一身相續中成就二品無漏心心所法況有成就三者建立既別故知有異有十四種通果心心所法皆是他心智所應取境謂欲界初靜慮各有四靜慮果第二靜慮有後三靜慮果第三靜慮有後二靜慮果第四靜慮惟有第四靜慮果問初靜慮他

心智於欲界四靜慮通果心心所法能知幾種有作是說能知四種所以者何一切皆是欲界攝故復有說者惟能知初靜慮果不知餘三所以者何如不知因果亦介故

諸他心智於地度根度補時伽羅度心心所法皆不能知於地度心心所法不能知者謂初靜慮他心智不能知第二靜慮以上心心所法乃至第三靜慮他心智不能知第四靜慮以上心心所法於根度心心所法不能知者謂鈍根者他心智不能知利根者心心所法於補特伽羅度心心所法不能知者謂有學他心智不能知無學心心所法問一切無學他心智皆能知一切有學心心所法耶答不也謂時解脫他心智不能知見至心心所法見至他心智亦不能知時解脫心心所法所以者何時解脫他心智於見至心心所法根度故不知見至他心智於時解脫心心所法補特伽羅度故不知問有學上地他心智

無學下地他心智此二為得互相知耶答不也所以者何有學上地他心智於無學下地他心智補特伽羅度故不知無學下地他心智於有學上地他心智地度故不知問聲聞上地他心智如來下地他心智此二為得互相知耶答不也所以者何聲聞上地他心智

於如來下地他心智根度故不知如來下地他心智於聲聞上地他心智地度故不知獨覺望餘乘准前義應說

如來無漏心心所法及未曾得有漏心心所法俱非他心智現所取境曾得有漏心心所法佛欲令他知者即知謂佛若欲令鈍根者

願九

十四

知我心非利根者則蛇奴等亦知佛心舍利子等皆不能知若欲令傍生趣等知我心非人天趣則傍生趣等亦知佛心人及天趣皆不能知云何知然契經說故謂契經說一時佛住廣嚴城祿猴池側重閣精舍時諸苾芻以世尊盜及彼自盜皆置露處有一祿猴下

婆羅樹來趁盜所時苾芻眾恐彼損盜競驅逐之佛言汝等不應驅逐彼有別意須臾當知時彼祿猴取世尊盜徐還上樹盛滿流蜜安庠而下持奉世尊以有蟲故世尊不受佛起曾得有漏心品令彼去蟲祿猴即知退在一處擇去蟲已來奉世尊未作淨故佛復不

受佛起曾得有漏心品令彼以水徧灑作淨祿猴即知退在一處以水作淨還奉世尊於是世尊哀愍為受祿猴歡喜踊躍無量舞蹈却行墮坑而死乘斯福業得生人中長大出家勤修梵行不久便獲阿羅漢果世共号為獻蜜上座尊者論力由彼因緣以持伽他而讚佛曰

無上天人調御士 能令惡趣亦知心  
若住甚深微妙定 乃至人天不能了  
佛他心智能知三道獨覺他心智能知二道  
聲聞他心智能知一道問佛得緣佛他心智  
不有說不得所以者何無二如來俱出世故

十五末

復有說得此說能緣不說現起問獨覺得緣  
獨覺他心智不若麟角喻者准佛應知衆出  
獨覺決定得緣獨覺他心智此說能緣亦說  
現起聲聞亦定得緣聲聞他心智此亦說能  
緣亦說現起異生定得緣異生他心智如衆  
出獨覺及諸聲聞說有作是說麟角喻獨覺  
亦定得緣麟角喻獨覺他心智亦說能緣亦  
說現起餘世界中有麟角喻獨覺出世無理  
遮故惟佛無漏心心所法及未曾得有漏心  
心所法定無他心智能緣現起者無色界一  
切心心所法定非他心智所緣非其境故

說一切有部發智大毗婆沙論卷第九十九 顛九  
咄之骨上反丁紛然文上反芳疏伽陵上反其墜溺下如反躡  
地益上反毗灰燼下反徐飄反苗分齊二並瑜伽  
朱上反羊龔反許救燒乃一鳥反遙娉反併賀易上亦莫候  
憤上恚下反紆粉反伶俚上反音靈下倡穢上反音  
寢處下反昌呂反寢字矯反居小逼反彼力數唱上反音

朔誘音儻蹈上反音盜同麟角上反音

阿毗達磨大毗婆沙論卷第一百

顛十

五音大阿羅漢等造 三藏法師玄奘奉詔譯

智蘊第三中他心智納息第三之二  
諸有情類有流轉者有還滅者流轉者謂更  
受生還滅者謂趣涅槃若諸有情生欲色界  
及諸異生生無色界修他心智者於彼心心  
所法由二事故得他心智一者能緣二者現  
起若諸有情已般涅槃及諸聖者生無色界  
修他心智者於彼心心所法由一事故得他  
心智謂但能緣不能現起問若諸聖者生無  
色界能修下地他心智不有說不修以彼畢  
竟無起義故評曰應作是說雖必不起而彼